

三十六人像又自書其詩扁列楹間自號六六山人或
號頑仙子或稱四凸窩日吟我其下優游自適每諸名
公經過談論唱和以為娛樂居有年所世仰其風來
訪者日多丈山厭其應接謂周防侯曰我老矣甚倦世
事將欲歸隱故在終吾天年侯不許丈山曰然則自今
予不復入城市乃作和歌一首以示其意後水尾
上皇高其風操欲徵見之丈山乃書所嘗作和歌上之
以誓不渡鴨川辭焉其歌曰和太羅志那勢美農於我
和能阿佐久登母於伊農那美蘇布閑計和波追可斯
戒弟子曰忠義所在上意有所不顧亦足以見其志節
矣諸侯辟召皆不應所司代敬禮皆就見焉寬文十二
年詩仙之堂門人安宅者繼而守之後又僧住者二世
今則比丘尼居焉其遺琴劍扇拂硯等依然尚存矣
享保中靈元院上皇嘗一臨幸詩仙堂由是遂
名列為洛東名勝焉云

中江藤樹道德邵高雖野人婦女也一見如飲醇酒益

然而醉當時呼曰近江聖人

朱舜水稱伊藤仁齋曰學問文章日本翹楚

朱舜水名之瑜字魯瑛明浙江餘姚人穎悟夙成九
歲喪父哀毀踰禮及長受業吏部左侍郎朱永祐精
研六經特通毛詩少抱經濟之志有識期以公輔擢
自南京松江府儒學學生考官吳鍾璣貢劄稱開國
來第一高天啓以降政理廢弛國是日非故絕志於仕
進而有高蹈之風崇禎末蒙徵辟不就弘光元年又
徵即授重職其薦出於荊國公方國安而大學士馬
士英當國舜水不欲累於姦黨故辭不受臺省交章
勅其偃蹇不奉朝命舜水星夜逃于舟出方是時清
兵渡江天下靡然薙髮變服舜水惡之乃浮于海直
來我邦轉抵交趾復還舟山適會監國督王駐驛舟
山文武諸臣交薦之舜水豫料其敗上疏固辭凡蒙
徵辟始自崇禎前後十二皆力辭焉監國九年曾王
特敕徵之舜水適在交趾奉敕敷欲往赴之會安
南國王撤取流寓識字之人差官應以舜水國王召
見逼而使拜舜水長揖不拜君臣大怒將殺之舜水

毫無沮喪，碎折彌厲，久而感其義烈，互相敬重。既而欲還舟山，謝恩陳情，聞其已陷，進退失據，於是熟察時勢，已去不可復振，乃抗仲連之節，懷不王秦之義。遂來居長壽，實我萬治二年也。流落海外，幾十五年。數至我邦，漂泊交趾，暹羅之間，艱苦萬狀，往而復還，蓋志有為，而事竟無成也。寬文五年，水戶侯光國聞其學植德望，厚禮聘之，以為賓師，禮遇甚隆，舜水為人嚴毅剛直，動必以禮，稜稜風望，觀者敬畏焉。每進見，談論依經守義，啓沃備至，教授學者，壘壘不倦。雖老而疾，手不釋卷，學務適用，自九古今禮義大典，至於宮室器用之制，農圃播殖之業，靡不通曉。生平潔居，不妄言笑，惟以邦讐未復為憾。至切齒流涕，明室衣冠，始終無改。普王敕書奉持，隨身未嘗示人。初舜水與國姓，無鄭成功，皆議謀恢復，於是鄭成功乃遙寄書曰：一別萬里，雲外常望，東天眷戀，不吝休，森不苟荷，光武重興之義，不得舍于寢食之間，雖然力微，勢疲，無奈狼狽，今欲遠憑，日本諸國，侯假多步兵，茶望台下，代森乞之，諸國侯，便是與台下，曾謀之處也。台成功字大木，我肥前平戶產也。逮父芝龍西還，舉義。

遂為所迎，乃俱議圖恢復，芝龍之被誘降也，成功不為少挫，益撫士畫策，每雄據閩廣間，清主迄不得志。於征勦成功後，棲基臺灣，君土牧民，大張綱紀，基地自是馴致，詩禮之俗儼然。一王國以康熙元年病歿，年三十八。子經嗣立，二十年而死，孫克壘立，二年始以國降。父子相續，持前明正朔四十許年，舜水不得遂其志。天和二年，死於江都，駒籠之邸，年八十三。葬於常陸父茲郡大田鄉瑞龍山下，水戶侯私謚文恭，親題其墓曰：明徵君，以成其志也。又親編輯其遺文，自署卷首曰：門人光國輯。

元政律師風軌恬淡 沈真玄通 世目為如來化身

元政，律師，俗姓菅原，名曰政，號妙子，平安人，幼齡穎異，一受句讀，皆能諳誦。上曰：淳曆九歲，一見奇之。曰：何物生寧馨兒，年十三，仕彥根侯井伊直孝，年十九，隨母遊和泉，和氣禮曰：蓮像，發三願曰：出家得度，曰：父母壽考，長竭孝養，曰：讀天台三大部，是時泉涌寺有周律師，講說法華經，元政日往聽焉，激昂感涕，語以出家之志，律師止之曰：汝年弱，他日為僧不晚也。年二十六，移病致仕，事妙顯寺，日豐上人，遂髡緇，緇為。

僧得讀三大部元政為入精力絕倫博學強記無不
 闕兼善詞章甚有袁宏道之風致旁通國學好為和
 歌占居深草稱瑞光寺持律甚嚴少間不解袈裟元
 坐誦經有人來訪道則諄諄開示有招焉者雖富貴
 人必辭焉有贈絹帛者必換之木棉以施弟子當時聞
 其風者莫不風靡焉與歸化陳元贊心機真契為方外
 交又與熊澤了介友善了介雖素不悅浮屠大欽元政
 風猷時時來訪談晤移晷雖語及佛理了介色莫逆矣
 但曰如今緇徒咸是鹿獍可數可數苟使釋迦見之其
 謂之何又使孔子見今日儒者亦謂之何時講源語或
 問法華經或拉伶人來為雅樂元政素誠孝前是迎二
 親養於菴側孝敬純至父母年高尚健父享年八十七
 而歿尔後母欲詣身延山時年七十九元政扶持以往
 寬文八年母亦八十七而死元政尋暴病遂寂年四十
 六著有扶桑隱逸傳草山集及護法書數種
 陳元贊字義都號既白山山人應尾張侯聘時時來游京師又
 策避亂投化後以山人為文字交初萬治二年於名古屋城
 如江都與諸名人為契分尤厚元政嘗贈詩云公本大
 唐實七十六老人吾少公廿六才調况非倫不知何風

世合如車雙輪其平生所唱票者彙為元元唱和集刊
 行于世元政詩文慕袁中郎此邦奉中郎以元政為
 首而元政本因元贊知有中郎也元贊善拳法當時
 世未有此技元贊創傳之故此邦拳法以元贊為開
 祖矣正保中於江都城南
 西久保國正寺教授云

北村雪山家貧書大字無筆乃拉蘆簾以為筆揮掃其
 字道逸風骨神妙清人見之歎賞不已曰雖我邦能書
 者亦無過之也

朝鮮人覽伊藤仁齋送浮屠道香序曰中夏以文鳴者亦
 無過之也其論儒佛最允當九原可作釋迦抵掌稱善哉

仁齋送浮屠道香序中有言云自人視之固自儒有
 佛自天地視之本無儒無佛吾道師道豈有二乎哉
 又云雖釋迦不能離今日之天地
 而獨立則自見儒道之不可離焉

或目伊藤仁齋曰如泰山巖巖可親而不可動也

大串雪蘭精通史學長於編削安積澹泊稱曰劉道原

揭曼碩之流亞也

大串雪蘭名元善字子平原氏平野京師人鞠於祖
 母家因冒大串氏幼小絕悟過目成誦年十三東抵
 江都水戶黃門法國廩祿之使就懋齋野傳肄業研
 究經義咀嚼史鑑議論清切曼出人意表咸謂青出
 於藍既長預彰考館史書淹貫密察多所發明人皆
 稱其精確黃門知其能善遇之屢使於京師購求貴
 書嘗如長壽與清人張斐接斐深賞異焉元祿九年
 參議綱條擢為近侍掌編修事雪蘭素厓羸多病至
 是增劇不能視事遂以不起年三十九
 安積澹泊名覺字子先常陸人水戶侯世臣也祖正
 信稱覺兵衛元和乙卯大坂之役屬小笠原秀政有
 戰功後委質於水戶父繼食其祿澹泊少有俊才好
 學義公以為其器不減乃祖乃命襲稱覺兵衛既而
 祿屢增職至番頭初年十三始來江都師朱舜水居

三歲病痘歸鄉故親受句讀者僅孝經小學論語耳
 及長博學能文而史學尤擅長是時義公方好述作
 網羅奇籍乃聘致安藤素軒森尚謙鵜飼金平谷重
 遠栗山潛鋒三宅觀瀾安藤年山等名儒數十人大
 開史局編修日本史澹泊乃入彰考館充日本史總
 裁全編二百四十六卷稿以享保庚子脫前後預者
 無慮數十百人而澹泊之功居多年差氣力不衰年
 七十撰烈祖成績澹泊名高四方其修書請益者
 不可枚舉而謙虛自卑於其親受提誨者不敢以示
 子視之意謂吾安能足為人師其所結構文詩必示
 稿於衆人以巧正有一字可議輒改撰是以人皆益
 敬服焉澹泊素有氣緊文武兼資東人獲悍以書生
 揖讓絃歌之習為孱弱或編之醫卜間澹泊心醜之
 晚年遂不以文人自居然而性甚愛菊自號老圃九
 諸家奇品莫不旁搜並收而栽培之於是安積氏之
 菊聞于國中嘗上百種于守山侯侯亦賜佳品十餘
 種澹泊嘗寄田子愛書曰公師朱文恭有乞菊於義
 公帖載在遺文外集覺百事不能學文恭而唯此一
 事稍存餘風不亦可羞之甚哉元文二
 年歿著有烈祖成績湖亭涉筆澹泊集

松浦霞沼年十四歲時置詩草於案上南部草壽取而讀之歎賞不已既而聞其自作大驚曰吾以為抄寫唐詩對馬侯聞之乃使霞沼受業木下順菴

松浦霞沼名儀字積卿播磨人幼遊京師學于南部草壽大有奇才善屬詩對馬侯聞之使學于木下錦里學成爲對馬學職屢爲韓人所稱南部草壽不詳名字號陸沈軒京師人其先越長尾氏族也寬文十二年遊於長壽寺奉行牛心勝登方嚮學遇草壽渥延寶丙辰始建聖廟於立山舉草壽爲祭酒弟子日盛長壽寺之有寶金助於此草壽居八年辭職歸京富山侯辟爲文學爲久俊爽精經濟通典故元祿戊辰歿著有職原抄支流義于南山嗣南山名景衡字思聰肥前長壽人本氏小野父昌碩善鑿昌碩死南山尚幼母亦改醮卒失怙恃父執盧莊暨小林謙貞憫其子立俱養之於家南山好學才情雋異從閩人黃公溥抗人謝叔且學詩爲二子所賞寬文壬子南部草壽自京師來爲府庠教授南山委贊爲

弟子草壽深畱之養爲義子於是南山乃冒南部氏草壽在長壽八年反京師因命南山從學筑後安東省菴富山侯聘草壽掌學賜祿百五十石南山學既通而東草壽既沒富山侯命嗣其後去寓於江都事木下順菴居三年侯屢召乃還正德壬辰死於越中年五十五南山爲人溫恭精通經史文才富瞻身既多病自擬詩文名以喚起漫草長子景春嗣景春字國華南山長子也聰慧絕倫善詩及書畫年十八喪父哀毀過禮奉母甚孝友愛兩弟慨然有大志博通經史百家富山侯寵遇甚渥乃加俸祿并前二百石奉職三年喪母次弟亦以景春不堪悲感遂以享保丁酉病歿年僅二十三李弟亦踰月而亡南部氏絕朝鮮人吳南老覽南部南山懷環翠園詩至雁歸塞北猶爲客梅堇江南暗憶以極口稱贊
雨森芳洲才學俱富木下順菴稱曰後進領袖
物徂徠評鳥山芝軒詩曰晚唐宗匠

鳥山芝軒名輔賢字碩夫一號鳴春攝津人或云伏水人工詩善書從家京師講說授徒著有芝軒吟稿男輔門號香軒亦善詩著香軒吟稿

物徂徠曰木下順菴先生者出而扶桑之詩皆唐矣

林道榮高天濤俱以書名世目曰長崎二妙

林道榮名應采字致雲一號墨癡又號蘿山肥前長等入幼讀書一目五行讀則成誦又工字學凡真草行隸無所不能所著詩文不務構思下筆立就萬治中從奉行妻木氏之江都乃祝髮自號道榮名聲大振遂被衆忌殆將害之故亡走反長寄寬文癸卯擢備譯員時年二十四延寶貞享之際道榮之書名顯于天下遠近爭求王公貴人厚幣購致之大村彦大崇道榮乃賜雄浦地數十步以為僑居之所又有寵於奉行寵遇故道榮與宣義晝夜陪侍守廳賦詩屬文未之有間一日奉行延二人置酒偶分杜少陵東閣官梅之句各賜以號宣義為東閣道榮為官梅由是

道榮子孫相襲氏官梅元祿中清國進士周勒山游長寄道榮應接唱酬勒山大奇之當是時大擅才名

者道榮一人而已矣寶永五年年六十九歿

高天濤名玄岱字子新一字斗膽又號黎山肥前長

寄人祖壽覺福建漳郡人航海寓薩摩後歸于明

父大誦年十六跡父入明吊父之墟遊齊魯燕趙之

間北經匈奴之域南及東寧之隈行嘆天下文物之

盛歷覽名山大川之勝凡十有二年一日慕母之念

不歇輒登商舶直歸長寄時寬永六年而大誦年二

十七居數年會譯者死官召大誦以補闕於是附貫

長寄自稱深見天濤者蓋以高氏出自渤海我俗讀渤海言深見故也天濤者大誦仲子也自幼有瑰才學于

僧獨立獨立本姓戴名笠字曼公浙之杭州西湖人

明之遺士也明亡航海寓長寄廿有餘年及黃蘗隱

元禪師到此祝髮為書記獨立素有書學且善鑿術

天濤兼通其技延寶中入京師風早參議實練善遇

天濤以藝學為事尚氣節嘗曰大丈夫之處世也不
 可一不騁志於青雲何必因人碌碌里巷相傲逐乎後
 遂與室鳩巢三名觀瀾同應大府之召來江都列
 儒員天濤之書當世與林道榮齊名道榮死天濤獨
 步天下太宰春臺曰林道榮高天濤俱以善草書知
 名然林不及高筆法無變化故也但林兼諸體高非
 草書不能作此則高不及林處也人特稱林者以此
 也已天濤享保壬寅年七十四發二子長但賢字松
 年次倫庸字龜齡天濤有弟名順麟字子春才氣出
 群博覽文史長于詞賦兼通醫技為人廉正讀書朝
 夕不倦一時
 稱學行兼優

正德元年韓使來聘覽新井白石詩草大賞異之各為

其序跋論之製述官李東郭名璜字重叔曰其詩格清而響

亮語新而趣遠往往有與唐人相肖者通信正使趙大

年名泰曰華絢而實茂格高而趣雅豪健而不流於塵醜

硬婉麗而不泥於纖巧駸駸有盛唐人口氣通信副使

任用譽名守曰其學富而氣亢格秀而詞藻采色相宣

音律諧叶通信從事李美伯名邦曰其格力清健詞彩

華絢不但音律之諧叶聲調之雅麗雖使公生於中華之

盛際得與鴻工鉅匠屬鞬而周旋余恐其不在下風也

山縣周南見朝鮮使應鼎敏捷松浦霞沼稱曰此來唯

一次公足為吾扶桑吐氣每值抱藝來見者則曰次公

英才英才兩森芳洲亦言海西無雙

物徂徠與山縣周南書曰安藤東野文益進迨者至欲

作書徧木鐸乎海內其意益更樹漢幟乎趙壘云尔其

才信不減淮陰多多益辨但時則少隆準公也

守屋秀緯學安藤東野東野死而後遊物徂徠之門徂

徠愛其所為克肖東野每言東野不死

守屋秀緯名煥明號我眉山江都人祖定秀為駿侯忠長臣駿侯國除退隱總之古河而致父唐字秀安徙住江都以鑿為業秀緯繼守鑿業出仕大垣庶少好學學安藤東壁東壁死遊物徂徠門以詩文稱而一不留稿洒落接世不欲為詭激之行夸詞之言社交雖廣無甚親疎惟與越智君瑞服部子遷平子敏相得甚懽三子亦賞其通敏寶曆四年年六十二歿

高蘭亭詩才聰敏物徂徠目曰趙璧抵連城

物徂徠曰服部南郭下墨水平金華蒺深川高蘭亭沒三义之作鏘然玉振皆不易得也乃自折簡寫之貼著

牀壁

服部南郭下墨水詩曰金龍山畔江月浮江搖月湧金龍流扁舟不住天如水兩岸秋風下二州平金華早蒺深川詩曰月落人烟曙色分長橋一半限星文連天忽下深川水直向總州為白雲高蘭亭三义口沁舟詩曰三义中斷大江秋明月新懸萬里流欲向碧天吹玉笛浮雲一片落扁舟

伊藤仁齋有偽才子五人焉長東涯名長胤字原藏次梅宇名長英字重藏次介亭名長衡字正藏次竹里名長準字平藏季蘭嶋名長堅字才藏各以儒學顯而東涯蘭嶋最出於其類故時人稱曰堀川五藏頭尾最良

伊藤仁齋居於京師堀川

物徂徠曰人才則熊澤了介學問則伊藤仁齋餘子碌

碌不足數也

或問太宰春臺曰伊藤仁齋如何人春臺曰觀其貌也
恭聽其言也從君子人也

太宰春臺曰伊藤仁齋讀書也慧眼了了洞徹紙上所
謂眼光一人也

太宰春臺稱伊藤東涯曰天下博物服部南郭亦有此言

服部南郭曰予讀熊澤了介經濟說足蹈其地口論其
政事事確說不似他人空言矣

服部南郭曰宋儒窮理說豈易極其宗旨乎我邦得朱
之意者其唯山崎闇齋乎

木下順菴為一世所敬慕成德達材多出其門宇明霞
稱曰桃李滿門

宇明霞名鼎字士新京師人父安治屬角倉與市司
運漕以貫貨寵於衆諸侯明霞幼有節操不喜商賈
業比十七歲與弟士朗辟族別處不畜妻妾清苦守
節發憤讀書足不踰戶闕十有餘年時人為之語曰
都下不見者有三焉不見字三平至市不見香川太
冲治病不見見谷左中作文先是物徂徠倡復古學於
江都明霞悅其說而多病不能東遊乃遣弟士朗從
學焉京師講徂徠之學自明霞始後來意見漸異事
事反戈徂徠遂為一家說兼善詞章結構整密明霞
性耿介有奇特之行與世不合雖家道空乏志節不
屈苟有韻合者則信交忠謀損己益人莫不盡心夙
夜終身不從歡樂不通聲色諸度數碎不起延享乙
丑病歿于家年四十八菅原中納言家長為製誌銘
著有論語考姓氏解名字解唐詩集注名公四序評
滄溟近體集解語字解明霞遺稿士朗名鑒初字士

如東遊江都學於物祖徠為人和厚近人為眾所愛慕與士新友愛篤至其學充實不相讓世稱平安二

宇先生而年僅三十一先士新歿著有遺稿

秋山玉山嘗登富士山為記三千餘言服部南郭稱曰

是神仙中文也又曰天地有富嶽乃始有此文

服部仲英初見原雙桂劇談半日退而嘆曰至如雙桂先生則文藝能事畢矣

原雙桂名瑜字公瑤又號尚菴京師人父光茂甲斐信玄之將原虎胤六世之孫也住平安不仕雙桂生而疑雋異於群兒十歲受章句于伊藤東涯漸長甚嗜學口誦手錄晝夜不廢伊藤東涯稱為後進領袖或曰其先美濃守以驍勇著此子他日亦有以文事大過人年十四喪父哀毀過禮服闋之大阪既而如江都依舅氏原芸菴與青木昆陽高蘭亭呂玄文輩往還論文居三歲念母不已乃赴大阪母尋病歿遂

復歸京時年十九是歲伊藤東涯歿雙桂無善鑿遠近來請治者履滿戶外延享中唐津侯士井利里召良鑿雙桂應聘山陽東洋來謂曰請勿就辟君學富量深它日必當遇三顧之人以竟其用矣如鑿於他人可稱於君乃未技耳以未技屈仕僻遠之藩甚惜之雙桂曰於乎如子之所言者宇宙自幾哉吾鳥敢當之且已應其召義不可辭也遂適唐津閱十八年歸遊于京途遇東洋東洋握雙桂手嘆曰使平平庸器皆列貴顯而海內名士屏處僻遠信有命哉寶曆十二年疾徙古河雙桂從焉更為儒官雙桂博學強記奮然以究道治經為志於漢儒以來諸說無所不窺久之以為咸不得聖人之旨遂立自己見以論孟為根據細講道德性命著洙泗微響謂是可以庶幾百世俟聖人而不惑矣當是時學者非朱即荀非物即藤於是慨然作非朱詰物疑藤三種明和丁亥携子恭胤遊江都病歿而發年五十恭胤字敬仲襲父祿以病致仕不允猶乞不止以是獲罪禁錮匝年終削籍既而來江都入大府仕籍而死有子名善字公道著先哲叢談